


Golde/ vnd das Dorff Alphen/ auch in die Carten zeichnen/ man soll aber allein an solche behörliche ort puncten machen / vmb die Stätt vnd Dörffer daselbst hin zu conterseiten/ vnd nach dieser manier mag man handeln mit allen andern örtern/ dern distantien bekandt/ vmb die selbe in die Carten zu bringen.

**Exempel 3. Lehret das vorgeschriebene noch auff ein andere manier.**

Man habe nach vorgehender lehre gemessen die distantien dieser folgenden vier Stätt von einander/ als Leeuwarden/ Francker/ Bolswart vnd Sneek in Frieslandt/ vnd befunden/ das Leeuwarden von Francker  $2\frac{1}{4}$  meiln / Bolswart von Francker  $1\frac{1}{4}$  meiln/ Sneek von Bolswart  $1\frac{3}{4}$  meiln/ von Leeuwarden  $2\frac{1}{2}$  meiln/ vnd Bolswart von Leeuwarden  $3\frac{1}{2}$  meiln/ dem schnurgeraden weg nach gelegen. diese vier Stett begert man in eine Landcarten zu bringen/ frage wie solches zu thun / jedoch auff ein andere manier als vorgeschrieben ist? Antwort. Macht zum ersten/ nach vnderricht des erstē Exempels vom fünfften Capitel dieses theils/ eine Lini als L F, so viel theiln lang/ als Leeuwardē von Francker meilen gelegen/ jedoch



solche theilung also groß oder klein genommē/ nach dem man die Carten groß oder klein haben wil/ so soll L, der ort von Leeuwarden vnd F Francker sein: Darnach begreiffe mit einem Circkel so viel der vorgemelten theilen/ als Francker von Bolswart meilen gelegen/ vnd stelt den einen fuß in F, macht mit dem andern einē blindē bogē durch B, weiter nempt auch mit dem gemelten Circkel die weiten der Stadt Leeuwarden von Bolswaert/ setzt den einen fuß in L, vnd mit dem